

HOËRSKOOL



VREDENDAL

Posbus 185
VREDENDAL
8160
Tel: 027 213 1050
Faks: 027 213 1050

Grensstraat 8
VREDENDAL
8160
admin@hsvdal.co.za
skoolhoof@hsvdal.co.za

18 Junie 2021

Uit die kantoor

Stygende Covid-19 infeksiekoers

Na aanleiding van 'n skrywe van ons Onderwyshoof wil ons net weer die volgende onder almal se aandag bring:

Met die landwye toename in Covid-19 gevalle word daar versoek dat ons ouers en leerders asseblief alle byeenkomste, partytjies, familiesaamtrekke ensovoorts vermy.

Waar 'n leerder in kontak was met 'n persoon wat positief getoets is, moet so 'n leerder, ongeag of hy/sy na die tyd negatief toets, vir 'n volle 10 dae vanaf laaste kontak in isolasie bly.

Waar 'n leerder positief toets moet sodanige leerder vir 10 dae na die toetsdatum in isolasie bly.

Hierdie maatreëls is 'n poging om sover moontlik die verspreiding van Covid-19 binne ons skool en gemeenskap te beperk en daarom vra ons elkeen se samewerking in die verband.

Dwelmmisbruik

Met die verandering in wetgewing rakende die gebruik van marijuana, het daar by skole sekere uitdagings ontstaan.

Volgens die wetgewing is die besit en kweek van marijuana deur 'n volwassene (ouer as 18) in 'n privaat ruimte vir persoonlike gebruik wettig.

Skole word egter as "openbare ruimte" beskou en nie as privaat ruimte nie. Die besit en/of gebruik van marijuana op die skoolterrein, tydens 'n skoolfunksie en/of wanneer 'n persoon die skool verteenwoordig, bly steeds onwettig.

Die skool sal dus steeds volgens ons Veiligheid- en Sekuriteitsbeleid, asook die Gedragskode teen enige persoon wat skuldig bevind word rakende die gebruik en/of besit van verbode middels, optree.

Artikel 8A van SASW sowel as artikel 45A van die Wes-Kaapse Provinciale Wet op Skoolonderwys, 1997 (Wet 12 van 1997), laat willekeurige ondersoeke, beslaglegging en toetse vir die gebruik van onwettige dwelms toe.

Toetsreeks

Die tweede kwartaal se toetsreeks begin Vrydag, 25 Junie. Sien die nuwe aangehegde toetsrooster sowel as die skoolure en reëlings vir die leerders. Ouers moet asseblief sorg dat u kinders elke skooldag moet bywoon, al skryf hulle daardie dag nie 'n toets nie, aangesien die onderwysers nog nuwe werk behandel tot die einde van die kwartaal.

Die Toetsrooster is afsonderlik geplaas.

TOETSREEKS: 25 JUNIE - 8 JULIE 2021

(Inligting vir leerders)

Akademiese skoolure tydens toetsreeks: 7:30-12:00

SKOOLBYWONING IS VERPLIGTEND GEDURENDE DIE TOETSREEKS AL SKRYF JY DIE DAG NIE 'N VAK NIE

1. Per 1-3, **Pouse 1**, Per 4-6, **Pouse 2** (12:00-12:20)

PERIODE TYE (2 minute tussen klokke)

Per1: 7:30-8:15

Per2: 8:15-8:55

Per 3: 8:55-9:35

Pouse1: 9:35-10:00

Per4:10:00-10:40

Per5:10:40-11:20

Per6: 11:20 -12:00

Pouse 2 (12:00-12:20)

2. Alle leerders wat nie toets skryf nie, kan **12:00 huis toe gaan**. Indien jy egter wil, kan jy in jou registerklas **gaan huiswerk doen of leer**.
3. Julle skryf toets in julle registerklasse.
4. Toetsperiodes :
12:20-13:30 (**1uur** toetse se leerders gaan huis toe)
12:20-14:00 (**1.5 uur** toetse se leerders gaan huis toe)
12:20-14:30 (**2 uur** toetse se leerders gaan huis toe)

Die klok sal 13:30, 14:00, 14:30 lui aan einde van die toetsperiodes. By vakkeuses gr.10-12 kan leerders die klas verlaat as sy of haar toets voltooi is op die tye soos bo aangedui.

GEEN SELFOON OF "SMARTWATCH" BY JOU TERWYL JY TOETS SKRYF NIE!

Gelukwensing Universiteit Stellenbosch

Gelukwensing van Universiteit Stellenbosch met die oud-leerders wat in Desember 2020 en Maart 2021 hul grade verwerf het. Ongelukkig, as gevolg van die beskerming van persoonlike inligting, mag ons nie die persone se name bekend maak nie.

<u>Aantal</u>	<u>Kwalifikasie</u>	<u>Matriekjaar</u>
2	BA	2017
1	BAgriC	2014
1	BAgriC	2016
1	BCom	2016
1	BCom	2017
5	Bed(AlgOnd)	2016
1	BRek	2016
2	BScFisio	2016
1	HonsBCom	2015
1	HonsBPA	1999
1	HonsBSc	2016
1	HonsBScSportwet	2016
1	MCom	2015
1	MFisio	2010

Hoëskool Vredendal die tuiste van Trots Dellers.